



Inatsisartunut ilaasortaq Jens Napātōk´, Partii Naleraq

### **§ 37 naapertorlugu apeqquteqaat 2018-210-mut Kalaallit Airports A/S pillugu akissut**

06-09-2018  
Suliaq normu: 2018-17149  
Allakkiq normu: 32956742

Asasara Jens Napātōk´

Postboks 909  
3900 Nuuk

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1: Ineqarnermut Attaveqaqatigiinnermullu Naalakkersuisup akissuteqaataa aallaavigalugu Kalaallit Arports A/S-imut qularnaveeqqusiissutitaqanngitsumik taarsigassartitsinissamut sanilliullugu Nunap karsianut artukkiinerussanngitsoq oqaatigaa, tamanna eqqortuunersoq?**

Akissut: Apeqqummi mittarfinnut aaqqiissutissat ataatsimoortut pillugit § 37 naapertorlugu apeqquteqaammur nr. 2018-170-imut akissut tunngavigineqarsimassasoq naatsorsuutigineqarpoq. Naalakkersuisunit akissut taaneqartoq innersuussutigineqarpoq. Tassani allassimavoq, "Tamatumunga atatillugu oqaatigineqassaaq, qularnaveeqqusiinissaaq imminermini Kalaallit Airports A/S-imut qularnaveeqqusiissutitaqanngitsumik taarsigassarsititsinissamut sanilliullugu Nunap Karsianut artukkiinerusussaangimmat".

### **Apeqqut 2: Naatsorsuutigineqarpoq takornariat 50.000-it Kalaallit Nunaannut tikerartalissasut mittarfissuit sananeqarpata, naatsorsuutigisat 50.000-it tikiingitsooratassagaluarpata, tikiingitsoornerat peqqutaalluni kikkut aningaasaq annaasaq akiligassarilissavaat?**

Akissut: Apeqqummi oqaatigineqartut suminganneernersut ersarluppoq. Taamaattumik apeqqut akineqarsinnaangilaq.

Taamaattoq inuiaqatigiit aningaasaqarnerannut kingunerisassanik naliliineq, imm. 2-mi naatsorsukkat innersuussutigisinnaavakka. Tassani maannamut ilaasunut tunngaviusoq tamarmiusoq amerleriarnissaa naatsorsuutigineqarpoq. Tunngaviulluinnartumik inuiaqatigiit aningaasaqarnerannut kingunerisassanik naliliineq, imm. 2-mi ullumikkut angalasut aallaavigineqarput, taakkulu 2 %-it missaanik amerlerialaarnissaat ilanngunneqarpoq.

Ukiuni kingullerni amerleriaatit 5 %-it missaaniipput – tassalu nalunaarusiami naatsorsuutigineqartunit amerlanerullutik.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Simon Simonsen